

Juebia grassa

Paroles y meludia:
Leo Runggaldier da Furdenan
(1888 - 1961)

1. Ncuei jue - bia gras - sa, l plu bel di! A ru - bé
2. L mèur sun tèt s'à sgra - flà su, de n au - ter
3. Ju de se - gusta se to - lel sèn l'ola, ma - lan de cu -

6
l'o - la u - lon - s'a bèn ji. Y an - da Be - ta à drè me - tù
viers ne n'al pu dù, se lascia cun na corda sèn ju per cia -
iertl sun fonz ti ber - dola. L ne sà co se ndì, l ie dut mo tan

12
sëu - ra, ie ji - ta ju n sta - la a mëu - jer la cëu - ra.
min, che brea y cia - mëi - ja vën da fu - lim.
fiers, la va de pië via y mu - cé de vel' viers.

Juebia grassa

1. Ncuei juebia grassa, l plu bel di!
A rubé l'ola ulons'a bèn jì.
Y anda Beta à drè metù sèura,
ie jita ju n stala a mèujer la cèura.
2. L mèur sun tèt s'à sgraflà su,
de n auter viers ne n'al pudù,
se lascia cun na corda sèn ju per ciamin,
che brea y ciamèija vèn da fulim.
3. Ju de segosta se tolel sèn l'ola,
malan de cuiertl sun fonz ti berdola.
L ne sà co se ndì, l ie dut mo tan fiers,
la va de piè via y mucé de vel' viers.
4. Giaurian uni usc achiet y bel plan
se ncramel da port' ora, la ola tla man.
Sèn bëisel da mat y dut a piesc jonc,
se streva la panicia ch' la spriza plu lonc.
5. Cun na prèscia po' ruvel a cèsa spavënt,
se ncrama te n piz, bèn dut da cuntënt,
stravan sèurora mé dlonch la panicia,
che fonz y parèi da ont propi stiza.
6. N tòch de cèrn drèt bèn sfumià,
japé dl'ola ti ie mo restà.
Se l rafa bèn ju cun na drèta gran sèur,
i dèic se lechel trèi iedesc ntèur.
7. Cun l'ola se mpènsel, cie uei pa fé,
la ue inò zeruch a Beta purté.
Cialé de ruvé bel achiet te majon,
scuender la scuendes, chël es rejon.
8. L mèur se tol inò l'ola y va,
te n bot iel bele pra cèsa ruvà.
Su sun funestra se trapinel bel plan,
l'ola ti sbriscia sèn ora dla man.
9. N slindernamënt y na fuera da mat,
dutes fruzedes scudeles dal lat!
L'ola berdola cun n drè tumblamënt
ju te majon de Beta termënt.
10. Zera mo pea de tei banc y tei stuei,
n'ola bel' plèina de papaciuei.
Trèma mé l fonz y trèma nce l mèur:
n aiut bèn prèiel sèn San Stenèur.
11. Beta te stala mo for che mèuj,
lascia mé y bëisa sèn dut n crèusc.
Da suaut tres ju vèn propi n drè ruf,
gialines per aria ti sauta tl ciuf.
12. Dal gran spavënt mé mudela culèur,
cun l banch da mèujer fir'la ntèur.
Ora da usc ora y su al infum,
te majon sèn sautela fajan n drè fum.
13. Cun braces spanei y uedli drusei,
perduda la trècia, ulà ie pa i ciavèi?
La broces di cosps che spuda mé fuech,
che l rof ne se mpèie, chël mancel pa puech.
14. N tel gran spavënt! Cie iel pa tlo sta'?
Dut ie fruzà, dut ie stravà!
Taieresc y scudeles ie jites n broda
via per fonz: ce fetra moda!
15. Sèn vèigh'la l mèur mucian a sparom,
dala funestra de suaut de si majon.
Te chëla mé tolela i cospes a man,
ados ti tirela do besan.
16. L mèur sèuraju se n va a berdoles,
do ti fir scudeles y oles.
Dai svèies y bredli cherdan n aiut
l'aria y la cèsa rembomba dut.